

# UGOVOR

Br: 0602-1174-11/19

usluga izvođenja muzike sa muzičkim instrumentom-truba  
na sahranama

## UGOVORNE STRANE:

**UGOVORNI ORGAN:** KJKP «POKOP» d.o.o. Sarajevo, Mula Mustafe Bašeskije 38, kojeg zastupa direktor Goran Cerić u daljem tekstu: Ugovorni organ)  
ID broj: 4200119040004, porezni broj PDV: 200119040004

**DOBAVLJAČ:** OD SILENCIO, Sarajevo, Muse Ćazim Ćatić 17, kojeg zastupa direktor Ivan Šćitinski (u daljem tekstu: Dobavljač)  
ID broj: 4303211200003.

## UVODNE ODREDBE

### Član 1.

Ugovorne strane sklapaju ovaj Ugovor na osnovu provedenog postupka usluga iz Aneksa II dio B Zakona o javnim nabavkama za javnu nabavku usluga – **usluga izvođenja muzike sa muzičkim instrumentom-truba na sahranama** objavljenog na web stranici [www.pokop.ba](http://www.pokop.ba) od 21.03.2019. godine, Zapisnika o pregledu i ocjeni ponuda broj 0602-1174-9/19 od 09.04.2019. godine, Odluke o izboru najpovoljnijeg ponuđača, broj: 0602-1174-10/19 od 10.04.2019. godine, te prihvaćene ponude Dobavljača broj: 0602-1174-7/19 od 09.04.2019. godine koja je sastavni dio ovog Ugovora.

## PREDMET UGOVORA

### Član 2.

Predmet ovog Ugovora je nabavka **usluga izvođenja muzike sa muzičkim instrumentom-truba na sahranama**, prema prihvaćenoj ponudi dobavljača i prema zahtjevima Ugovornog organa.

## UGOVORENA CIJENA

### Član 3.

Ugovorena cijena za usluge iz člana 2. ovog Ugovora iznosi:

Cijena usluga koja su predmet ovog Ugovora bez PDV-a iznosi 42.000,00 KM.

PDV na ponuđenu cijenu usluga iznosi /

Cijena usluga koja su predmet ovog Ugovora sa PDV-om iznosi 42.000,00 KM.

Odabrani ponuđač nije upisan u Jedinostveni registar obveznika indirektnih poreza.

## PLAĆANJE

### Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 30 dana nakon prijama uredno ispostavljene fakture za izvršene usluge na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

## **ROK REALIZACIJE**

### **Član 5.**

Dobavljač se obavezuje odazvati na poziv Ugovornog organa a, usluge definisane članom 2. ovog Ugovora izvršiti u vrijeme i sat naznačen na narudžbi od strane Ugovornog organa.

Ugovorni organ ima pravo prvenstva u pružanju predmetnih usluga.

## **UGOVORNA KAZNA**

### **Član 6.**

U slučaju kašnjenja u izvršenju usluga do kojeg je došlo krivicom odabranog Dobavljača isti će platiti ugovornu kaznu u skladu sa Zakonom o obligacionim odnosima u iznosu od 1 % naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Odabrani Dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile . Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani Dobavljač nije mogao uticati niti ih predvidjeti.

## **OSNOVNE OBAVEZE DOBAVLJAČA**

### **Član 7.**

Pored obaveza predviđenih važećim propisima, Dobavljač je posebno dužan da usluge iz člana 2. ovog Ugovora izvrši stručno i kvalitetno, u svemu prema datoj Ponudi.

## **OSNOVNE OBAVEZE UGOVORNOG ORGANA**

### **Član 8.**

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

## **RASKID UGOVORA**

### **Član 9.**

Ugovorni organ ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa
- ako Dobavljač ne izvrši usluge kvaliteta datog u Ponudi
- ako poslije djelovanja više sile nije moguće nastaviti realizaciju Ugovora

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

## **RJEŠAVANJE SPOROVA**

### **Član 10.**

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

## **ZAVRŠNE ODREDBE**

### **Član 11.**

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

**Član 12.**

Ovaj Ugovor stupa na snagu danom obostranog potpisivanja od strane ovlaštenih lica ugovornih strana i zaključuje se na period 12 (dvanaest) mjeseci, počev od dana potpisivanja istog.

**Član 13.**

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

**UGOVORNI ORGAN:**

KJKP „POKOP“ d.o.o. Sarajevo

  
\_\_\_\_\_  
izv.dir. Asmir Hodžić



  
\_\_\_\_\_  
Direktor Goran Cerić


Broj, 0602-1174-12/19  
Sarajevo, 22.04.2019.god.

**OD "SILENCIO"**

**vl. Ščitinski Ivan**

**DOBAVLJAČ:**  
Sarajevo, Bost. Čizma Čatića 17

OD SILENCIO, Sarajevo

  
\_\_\_\_\_  
Direktor Ivan Ščitinski

Broj, 1/19 /  
Sarajevo, 24.04.19 .god.